

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-112/18**  
**Vareš, 31.05. 2018. godine**

**Z A P I S N I K**  
**sa 17. sjednice Općinskog vijeća Vareš,**  
**održane 26.04. 2018. godine**

Nikola Šimić – zamjenik predsjedavajućeg Općinskog vijeća Vareš, otvorio je 17. sjednicu s početkom u 15,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Mirčić Mario, Muftić Safeta, Muftić Anel, Mušanović Nedžad, Riđić Kruno, Romić Branko, Rožajac Elvir, Šimić Igor, Šimić Nikola i Turki Fadila.

**Odsutni:** Mario Marošević.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika – gosp. Čedomir Jelić, gosp. Ermin Musa i gosp. Rusmir Berberović, zamjenik općinskog pravobranilaštva – gosp. Damir Arnautović, ispred Službe za privredu, finansije i trezor – gosp. Dragan Orozović, direktorica i predsjednik Skupštine JP „Vareš-stan“ d.o.o. Vareš – gosp. Željka Petrović i gosp. Senad Dramalija, direktor JKP d.o.o Vareš – gosp. Zafer Kamenjaš, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključcima i odgovorima na postavljena vijećnička pitanja sa 16. sjednice OV održane 28.03.2018. godine. Na 16. sjednici OV donijelo je jedan (1) zaključak pod tačkom 13. i isti je dostavljen. Postavljeno je jedanaest (11) vijećničkih pitanja. Na sedam (7) pitanja dostavljeni su pismeni odgovori podnosiocima vijećničkih pitanja, na četiri (4) pitanja nisu dostavljeni odgovor, (pitanje vijećnice Turki Fadile u vezi prevoza je u toku realizacije).

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu nije imao obraćanje.

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



## *(Vijećnička pitanja)*

### **Elvir Rožajac**

1. Kada će doći do isplate vijećničkih paušala vijećnicima prošlog saziva?
2. Kada će bit izmiren dug „ Kući susreta“ za boravak nogometaša Hajduka na Bijelom Borju?

### **Kruno Ridić**

3. Pitanje uputio gosp. Erminu Musi. Postoje li kapaciteti i dobra volja da popišemo i drugu imovinu koja je od interesa za ovu općinu, prije svega poljoprivredno i građevinsko zemljište?
4. Kolika su dugovanja Općine prema firmama kojima je Općina osnivač do 01. maja 2018. godine?

### **Mirnes Ajanović**

5. Da li postoji mogućnost izgradnje stepenica na lokaciji Put mira 40 i Glavica ispod zanatskog centra preko puta frizerskog salona?

### **Igor Šimić**

6. Da li se može sanirati put od Tirića do Arapovića kuće?
7. Da li se može sanirati stepenište kod Likića radnje i most na pijaci?

### **Nedžad Mušanović**

8. Da li će doći do izgradnje niša za kontejnere u MZ Ligatići?

### **Đemo Kevrić**

9. Kada će se nastaviti izgradnja započetog dijela rekonstrukcije i asfaltiranja puta Striježevo – Kokošćići?

Općinski načelnik javio se za riječ i u svom obraćanju izjavio da će vijećnici koji su postavili vijećnička pitanja na iste dobiti pismeni odgovor. Radi javnosti a na osnovu postavljenog pitanja vijećnika Ajanović Mirnesa u vezi projekta VAMOS (testiranje prototipa bagera za podvodno rudarenje na jezeru „Nula“) dao je pojašnjenje i iznio svoj stav (sa napomenom da poslije svog izlaganja neće voditi raspravu). Podsjetio je prisutne i javnost da je 2015. godine započeta procedura za projekat VAMOS, održana je javna rasprava sa prezentacijom projekta, u tom periodu su dobiveni svi dokumenti sa nivoa federalne i kantonalne vlasti i tadašnji načelnik je načelno dao suglasnost za projekat VAMOS. Općinski načelnik je izjavio da podržava projekat i o istom dao pojašnjenje.

Vijećnik Mirnes Ajanović zatražio je od zamjenika predsjedavajućeg da se obrati Vijeću u vezi izlaganja Općinskog načelnik. Zamjenik predsjedavajućeg OV vijećniku je odobrio da se obrati Vijeću pod tačkom „Tekuća pitanja“.

Zamjenik predsjedavajućeg OV stavio je na raspravu Zapisnik sa 16. sjednice OV.

Nije bilo primjedbi i zamjenik predsjedavajućeg OV stavio je na izjašnjanje Zapisnik sa 16. sjednice OV i nakon izjašnjanja vijećnika konstatuje da je **jednoglasno sa (18 glasova „ZA“) usvojen Zapisnik sa 16. sjednice OV.**

Zamjenik predsjedavajućeg OV stavio je na raspravu prijedlog dnevnog reda za 17. sjednicu OV koji je usaglašen na Kolegiju Općinskog vijeća.

Nije bilo rasprave po prijedlogu dnevnog reda i zamjenik predsjedavajućeg OV stavio je na izjašnjanje prijedlog dnevnog reda 17. sjednice OV.

Nakon izjašnjanja vijećnika zamjenik predsjedavajućeg OV konstatuje da je **jednoglasno ( sa 18 glasova „ZA“ ) usvojen sljedeći**

### ***D n e v n i r e d:***

1. Prijedlog Odluke o potvrđivanju rezultata izbora za članove Savjeta Mjesne zajednice Kokošičići.  
- Izvjestilac: Čedomir Jelić.
2. Izvještaj o radu Javnog komunalnog preduzeća d.o.o. Vareš za 2017. godinu.  
- Izvjestilac: Direktor i Skupština JKP d.o.o. Vareš.
3. Izvještaj o radu i finansijskom poslovanju JP „Vareš-stan“ d.o.o. Vareš za 2017. godinu.  
- Izvjestilac: Direktor i Skupština JP „Vareš-stan“ d.o.o. Vareš.
4. Izvještaj o realizaciji Odluke općinskog fonda za vatrogastvo u 2017. godini.  
- Izvjestilac: Rusmir Berberović.
5. Izvještaj Komisije za procjenu prometne vrijednosti nekretnina za 2017. godinu.  
- Izvjestilac: Komisija.

6. Prijedlog Zaključka o davanju saglasnosti na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2018. godinu.  
- Izvjestilac: Općinski načelnik.
  7. Informacija o zimskom održavanju lokalnih i regionalnih puteva i gradskih ulica.  
- Izvjestilac: Ermin Musa.
  8. Informacija o realizaciji Ugovora o koncesijama za 2017. godinu.  
- Izvjestilac: Ermin Musa
  9. Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godina, za 2017. godinu.  
- Izvjestilac: Rusmir Berberović.
10. Tekuća pitanja

**Ad. 1.**

*(Prijedlog Odluke o potvrđivanju rezultata izbora za članove Savjeta Mjesne zajednice Kokošćići. )*

Ovlašteni predlagač nije imao dodatno pojašnjenje.

Nije bilo rasprave po ovoj tački dnevnog reda i zamjenik predsjedavajućeg OV stavio je na izjašnjavanje Prijedlog Odluke o potvrđivanju rezultata za članove Savjeta Mjesne zajednice Kokošćići.

Nakon izjašnjavanja vijećnika zamjenik predsjedavajućeg OV konstatuje da je **jednoglasno (sa 18 glasova „ZA“ ) usvojena**

***Odluka o potvrđivanju rezultata izbora za članove Savjeta Mjesne zajednice Kokošćići.***

**Ad. 2.**

*(Izveštaj o radu Javnog komunalnog preduzeća d.o.o. Vareš za 2017. godinu.)*

Otvorena je rasprava u kojoj su svoje stavove i mišljenja iznijeli vijećnici: Kruno Ridić (traži pojašnjenje u vezi plana prilagođavanja i upravljanja otpadom), Mirnes Ajanović (postavio pitanje u vezi kontrolisanja vodovoda kojima ne upravlja JKP d.o.o. Vareš), Safeta Muftić (skrenula pažnju na zimsko održavanje puteva i suradnju između „Nahonala“ i JKP d.o.o. Vareš), Emir Islamović (skrenuo pažnju da se uvedu u sistem zimskog održavanja i one mjesne zajednice koje do sada nisu bile), Mario Mirčić, Branko Romić, Demo Kevrić ( podsjetio na potrebnu izgradnju niša za kontejnere u MZ Striježevo), Fadila Turki, Elvir Rožajac (skrenuo pažnju da se prilikom zimskog održavanja u obzir uzmu i svi zaseoci u mjesnim zajednicama), Općinski načelnik Zdravko Marošević i direktor JKP d.o.o. Vareš koji je dao dodatno pojašnjenje i odgovorio na pitanja postavljena u raspravi.

Zaključena je rasprava i zamjenik predsjedavajućeg OV stavio je na izjašnjanje Izvještaj o radu Javnog komunalnog preduzeća d.o.o. Vareš za 2017. godine.

Nakon izjašnjanja vijećnika zamjenik predsjedavajućeg OV konstatuje da je **jednoglasno (sa 18 glasova „ZA“) prihvaćen**

*Izvještaj o radu Javnog komunalnog preduzeća d.o.o. Vareš za 2017. godinu.*

#### **Ad.3.**

*(Izvještaj o radu i finansijskom poslovanju  
JP „Vareš-stan“ d.o.o. Vareš za 2017. godinu.)*

Otvorena je rasprava u kojoj su svoje stavove, primjedbe, prijedloge, pitanja i mišljenja iznijeli vijećnici: Kruno Riđić, Mirnes Ajanović, Elvir Rožajac, Safeta Muftić, Mario Mirčić, Demo Kevrić, Elvir RožJc (replika) i Adis Čizmo.

Vijećnici u raspravi su istakli da je jedan od najvećih problema stanje dimnjaka na stambenim objektima i da je potrebno hitno pristupiti rješavanju tog problema.

Za riječ se javila direktorica gosp. Željka Petrović koja je u svom obraćanju dala dodatno pojašnjenje za ovu tačku dnevnog reda i upoznala Vijeće sa radom i problemima sa kojima se susreće preduzeće u svom radu i poslovanju.

Zamjenik predsjedavajućeg OV ime Vijeća zahvalio se direktorici na dugogodišnjem trudu i radu u javnom preduzeću i poželio joj sretan odlazak u mirovinu.

U daljnjoj raspravi su učestvovali vijećnici: Mario Mirčić (replika), Branko Romić (replika) i direktorica gosp. Željka Petrović.

Zaključena je rasprava i predsjedavajući OV stavio je na izjašnjanje Izvještaj o radu i finansijskom poslovanju JP „Vareš-stan“ d.o.o. Vareš za 2017. godinu.

Nakon izjašnjanja vijećnika zamjenik predsjedavajućeg OV konstatuje da je **sa 15 glasova „ZA“ i 3 glasa „PROTIV“ prihvaćen**

*Izvještaj o radu i finansijskom poslovanju JP „Vareš-stan“ d.o.o Vareš za 2017 godinu.*

Zamjenik predsjedavajućeg OV dao je pauzu u trajanju od 15 minuta.

#### **Ad.4.**

*(Izvještaj o realizaciji Odluke općinskog fonda za vatrogastvo u 2017. godini.)*

Nije bilo rasprave po ovoj tački dnevnog reda i zamjenik predsjedavajućeg OV stavio je na izjašnjanje Izvještaj o realizaciji Odluke općinskog fonda za vatrogastvo u 2017. godini.

Nakon izjašnjanja vijećnika zamjenik predsjedavajućeg OV konstatuje da je **jednoglasno ( sa 15 glasova „ZA“) (odsutni vijećnici Igor Šimić, Mušanović Nedžad i Muftić Anel koji je iz opravdanih razloga napustio sjednicu u 16,55 minuta) usvojen**

*Izvještaj o realizaciji Odluke općinskog fonda za vatrogastvo u 2017. godini.*

## **Ad.5.**

*(Izvyještaj Komisije za procjenu prometne vrijednosti nekretnina za 2017. godinu.)*

Nije bilo rasprave po ovoj tački dnevnog reda i zamjenik predsjedavajućeg OV stavio je na izjašnjanje Izvyještaj Komisije za procjenu prometne vrijednosti nekretnina za 2017. godinu.

Nakon izjašnjanja vijećnika zamjenik predsjedavajućeg OV konstatuje da je **jednoglasno** ( sa 17 glasova „ZA“) (odsutan vijećnik Muftić Anel) **usvojen**

***Izvyještaj Komisije za procjenu prometne vrijednosti nekretnina za 2017. godinu.***

## **Ad.6.**

*(Prijedlog Zaključka o davanju saglasnosti na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2018. godinu.)*

Otvorena je rasprava u kojoj su učestvovali vijećnici: Elvir Rožajac (postavio pitanje u vezi isplate naknada za štete i poljoprivredne poticaje), Dženan Džafo (predložio da se prilikom izrade nacrtu programa poticaja za poljoprivredu sprovede javna rasprava i upoznao prisutne da će u Program biti uvrštena i plastenička proizvodnja jer je zbog tehničke greške izostavljena ) i Općinski načelnik Zdravko Marošević koji je izjavio da će se u Program uvrstiti stavka za plasteničku proizvodnju.

Zaključena je rasprava i zamjenik predsjedavajućeg OV stavio je na izjašnjanje Prijedlog Zaključka o davanju saglasnosti na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2018. godinu.

Nakon izjašnjanja vijećnika predsjedavajući OV konstatuje da je **jednoglasno** (sa 17 glasova „ZA“) **usvojen**

***Zaključak o davanju saglasnosti na Program utroška sredstava sa kriterijima raspodjele sredstava „Subvencije za razvoj poljoprivrede“ utvrđenih budžetom Općine Vareš za 2018. godinu.***

## **Ad.7.**

*(Informacija o zimskom održavanju lokalnih i regionalnih puteva i gradskih ulica.)*

Otvorena je rasprava u kojoj su učestvovali vijećnici: Kruno Ridić, Elvir Rožajac i Općinski načelnik Zdravko Marošević koji je na osnovu postavljenog pitanja vijećnika Elvira Rožajac u vezi prekategoricizacije puta i održavanja istog (Šimin Potok-Ravne –Crna Rijeka-Nišići) i Općinski načelnik Zdravko Marošević koji je upoznao prisutne da je od nadležnog ministra gosp. Brkić Fahrudina dobio informaciju da postupak prekategoricizacije prolongiran, o istom je dao pojašnjenje.

Zaključena je rasprava i zamjenik predsjedavajućeg OV konstatuje uz **Zaključak da je Vijeće primilo k znanju.**

*Informaciju o zimskom održavanju lokalnih i regionalnih puteva i gradskih ulica.*

#### **Ad.8.**

*(Informacija o realizaciji Ugovora o koncesijama za 2017. godinu.)*

U raspravi je učestvovao vijećnik Kruno Riđić koji je tražio pojašnjenje u vezi visine koncesione naknade u tački 2. Koncesija za istraživanje i eksploataciju olova, cinka i barita i pomoćnik načelnika Ermin Musa koji je dao pojašnjenje.

Zaključena je rasprava i zamjenik predsjedavajućeg OV konstatuje uz **Zaključak da je Vijeće primilo k znanju**

*Informaciju o realizaciji Ugovora o koncesijama za 2017. godinu.*

#### **Ad.9.**

*(Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godina, za 2017. godinu.)*

Nije bilo rasprave po ovoj tački dnevnog reda i zamjenik predsjedavajućeg OV konstatuje uz **Zaključak da je Vijeće primilo k znanju**

*Informaciju o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2016-2021. godina, za 2017. godinu.*

#### **Ad.10**

*(Tekuća pitanja)*

1. Zamjenik predsjedavajućeg OV upoznao je Vijeće sa Zahtjevom za rješavanje problema pasa lotalica u okolini Osnovne škole „Vareš“ dostavljenim od Vijeća roditelja iste škole 10.04.2018. godine. Zahtjev je dostavljen i Općinskom načelniku.

Općinski načelnik Zdravko Marošević u svom obraćanju upoznao je prisutne i javnost da je obavio razgovor sa menadžmentom škola i Vijećem roditelja, razgovarano je u vezi ovog problema i razmijenjena su mišljenja u vezi eventualnog rješavanja istog. Jedini izlaz, da bi zadovoljili Evropske standarde, je izgradnja azila za napuštene pse. Nadležne Službe Općine Vareš započele su sa procedurom iznalaženja ovog problema i potrebnim procedurama za izgradnju azila. O istom je dao pojašnjenje.

U raspravi su učestvovali vijećnici: Mirnes Ajanović i Kruno Riđić.

2. Općinski načelnik Zdravko Marošević u svom obraćanju upoznao je javnost i Vijeće da BiH i Evropa očekuje veliki udar izbjeglica sa područja Sirije. BiH bi bila samo tranzit, ali izbjeglice bi morale da se određeni period zadrže na teritoriji BiH. U tom slučaju potrebno im je osigurati privremeni smještaj. O načinu smještaja i finansiranja zadužena je Evropska unija, Općinski načelnik je dao pojašnjenje uzeći toga. U vezi svog izlaganja, Općinski načelnik je dao Vijeću na razmišljanje ovu informaciju, o kojoj bi se više razgovaralo na jednoj od narednih sjednica OV.

Zamjenik predsjedavajućeg OV konstatuje da je ideja predložena od Općinskog načelnika stavljena Vijeću na razmišljanje.

Zamjenik predsjedavajućeg OV u svoje lično ime i u ime OV čestitao je svim građanima 1. maj - Međunarodni praznik rada.

Sastavni dio ovog Zapisnika je audio zapis sjednice.

Sjednica je završena u 18,10 sati.

***SEKRETAR***

**Leon Pavlović**

***ZAPISNIČAR***

**Azra Pijadžer**

***ZAMJENIK  
PREDSJEDAVALJUĆEG  
OPĆINSKOG VIJEĆA***

**Nikola Šimić**